

佛說佛醫經鈔  
惟日雜難經

四百卅一  
飛八

51012



元祿九年丙子二月日重脩

皇圖瓊葉固 帝階綴昌

佛日增輝 懋輪常轉

山城州天安寺法金剛院置

二經同卷

佛說佛醫經鈔

惟日雜難經

佛說佛醫經鈔

吳沙門竺律炎共支越譯出

人身中本有四病一者地二者水三者火四

者風風增氣起火增熱起水增寒起

盛本從是四病起四百四病土屬身

火屬眼風屬耳火少寒多目冥春正月二月

三月寒多夏四月五月六月風多秋七月八

月九月熱多冬十月十一月十二月有風有

寒何以故春寒多以万物皆生為寒出故寒



飛

多何以故夏風多以万物榮華陰陽合聚故  
風多何以故秋熱多以万物成熟故熱多何  
以故冬有風有寒以万物終亡熱去故有風  
寒三月四月五月六月七月得卧何以故風  
多故身放八月九月十月十一月十二月正  
月二月不得卧何以故寒多故身縮春三月  
有寒不得食麥豆宜食粳米醍醐諸熱物夏  
三月風不得食芋豆麥宜食粳米乳酪秋三  
月有熱不得食粳米醍醐宜食細米麩蜜稻  
黍冬三月有風寒陽與陰合宜食粳米胡豆  
羹醍醐有時卧風起有時滅有時卧火起有  
時滅有寒起有時滅人得病有十因緣一者

久坐不飯二者食無貨三者憂愁四者疲極  
五者姪姝六者瞋恚七者忍大便八者忍小  
便九者制上風十者制下風從是十因緣生  
病佛言有九因緣命未當盡為橫盡一不應  
飯為飯二為不量飯三為不習飯四為不出  
生五為止熟六為不持戒七為近惡知識八  
為入里不時不如法行九為可避不避如是  
九因緣人命為橫盡不應飯為飯謂不可意  
飯亦謂不隨四時食亦為已飯復飯是為不  
應飯為飯不量飯者謂不知節度多食過足  
是為不量飯者不習飯者謂不時食若至他  
郡國不知俗宜飯食未習不稍稍飯是為不

胃飯不出生者謂飯物未消復上飯若服藥吐下不盡便食來是爲不出生止熟者謂大便小便來時不即時行噫吐下風來時制是爲止熟不持戒者謂犯五戒現世間盜犯他人婦女者便入縣官或刻或死或得梃榜壓死若餓死或得脫外從怨家得首死或驚怖憂愁死是爲不持戒近惡知識者謂他人作惡便來及人何以故不離惡知識故惡人不計當坐之是爲近惡知識入里不知時不如法行者謂晨暮行亦有魍魎諍鬪者若有長更追捕而不避若入他家舍妄視不可視妄聽不可聽妄犯不可犯不可念是爲入里不

知時不如法行爲可避不避者謂弊牛馬狡  
狗蛇虵垂水火坑穿犇車馳馬拔刀醉人惡  
人亦餘若干是爲可避不避如是九因緣人  
命未盡爲盡黠人當識是當避是已避得兩  
福一者得長壽乃得聞道好語亦得久行道  
佛言有四飯一爲子飯二爲三百矛斫飯三  
爲皮革垂生出飯四爲灾飯子飯者謂人貪  
味食肉時便自校計念是肉皆我前世時父  
母兄弟妻子親屬亦從是不得脫生死已得  
是意便止貪是爲子飯三百矛斫飯者謂飯  
隨味念復念其殃無有數能不念味便得脫  
又矛斫人爲亡身已生念復念有若干受苦

爲三百矛斫飯皮革虫生出飯者謂人念味  
亦一切万物憂家中事便穿人意意作万端  
爲出去是爲皮革虫生飯灾飯者謂一生死  
行皆爲灾飯如火燒万物人所行皆當來腦  
身劇火燒万物故言灾所以言飯者謂人所  
可意念人故言飯也人食肉譬如食其子諸  
畜生皆爲我作父母兄弟妻子不可數亦有  
六因緣不得食肉一者莫自殺二者莫教殺  
三者莫與殺同心四者見殺五者聞殺六者  
疑爲我故殺無是六意得食肉不食者有六  
疑人能不食肉者得不驚怖福佛言食多有  
五罪一者多睡眠二者多病三者多婬四者



不能諷誦經五者多著世間何以故人貪婬  
人知色味瞋恚知橫至味癡人知飯食味律  
經說人貪味味復味復生不得美味佛言一  
食者爲欲斷生死亦墮貪不能行道爲得天  
眼自知所從來生去至何所人不念死多食  
常念婦人皆墮百四十惡中天皆用飯故犯  
十惡後生便失人形墮畜生中旣得作人飢  
渴血出瞋恚傍生於愛内生於貪佛說有大  
福自飢以飯與人令人得命是爲大福後生  
饒飲食乏瞋恚亦無所施亦不得但意恣貪  
婬亦無所施但得意恣非我所有一錢以上  
不得取故作貪欲空自苦作罪道人不有憂

愁憂隨怒愁隨貪我輩有死歲有死月有死  
日有死時亦不知亦不畏亦不行道亦不持  
戒東走西走憂銅憂鐵憂田宅奴婢但益人  
惱增人苦為種畜生習佛言人治生譬如蜂  
作蜜採取衆華勤苦積日已成人便攻取去  
唐自苦不得自給人求是念是憂有憂無飢  
渴勤苦合聚財物未死憂五家分或水火盜  
賊縣官病痛多不如意已死他人得之身當  
得其罪毒痛不可言五分者一者火分二者  
水分三者盜賊分四者縣官分五者貧昆弟  
分何為無憂所有人不計是五分憂苦劇不  
棄是憂苦有万端結在腹中離道遠法人法

生價作得利不當喜不得利亦不當憂是皆  
前世宿命所致人有貪貪便不得利正使得  
一天下財物亦不能猛自用之亦不隨人去  
但益人結但有苦惱但種後世緣因緣因如  
火如火無所不燒我輩不覺是點不敢妄搖  
知爲增苦種罪

佛醫經鈔

惟日雜難經

吳優婆塞支謙譯

初受道遮利菩薩遮利者為受行轉上至阿  
惟越致阿惟越致者為不復轉心次為菩夷

菩薩一為飛行菩薩次為作佛菩薩一名度士亦為道人

菩薩行亦出十二門斷三惡道故在十方佛前生不在第十天上須陀洹亦出十二門斷三惡道生第十三天上俱出十二門所以不同處生者須陀洹十六意菩薩行三十四意用是故不同處生

菩薩行三十四意謂四諦十六意十八行不共合為三十四意

菩薩行三十四意一切能制阿羅漢行十六意菩薩力多悉以制說須陀洹至阿羅漢見對乃面斷坐行三十四意已足便得佛十六意

意從第一上至十六各自所部四禪亦介菩薩精進行二十劫可得佛用有三意故不得佛何等爲三有佛意有辟支佛意有阿羅漢意用是三意故不得佛要爲隨多得之意在佛多得佛在辟支佛多得辟支佛在阿羅漢多得阿羅漢如秤隨重者得之

人有居家得阿羅漢阿那含斯陀含須陀洹者亦有得阿惟越致菩薩者所以棄家行入山有四因緣一者恐人言菩薩姪姝何故得道二者金輪王亦皆棄國三者魔當來燒害菩薩四者求佛道不居家得

已受荊菩薩斷新受故精進行要百劫得佛

其不精進者又能得不得斯無有限

受劫菩薩償故不起造新謂從受劫以來償  
前世亦現世未受戒時所罪無數劫罪亦皆償之  
從受劫菩薩下至須臾洎皆有宿罪有時與  
故罪相逢因隨往生道意便薄若有人說深  
經意即解罪福如示意如不復生謂人不復  
作罪故即畢

菩薩受劫百劫便得佛釋迦文佛所已九十  
一劫者用精進故得九十劫譬喻如人明日  
當發行千里今日先行九十里計其道里同  
等當百劫人從九十一劫數

阿惟越致菩薩作相乃成百劫因具不過百

劫未得阿惟越致菩薩行相不成

人起一道意其德勝十萬劫惡何等爲道意念在四諦是爲道意惡譬如冥道意譬如明如日出天下冥稍滅諸菩薩聞是語皆歡喜大言南無佛

起一善意得百劫福菩薩持身饑飢虎不百劫九十一劫便作佛者用不覺痛苦滅九劫菩薩已起意欲爲自身咄亦咄他人身是爲兩咄佛爲菩薩時不爲他人咄當爲何因緣說爲咄他名爲念時即自亂是苦不可竟自受是自咄行殃亡福地爲是故他人復說誦久殃蓋善本是爲自咄不知不見當那見他人



道已咄他人為意却棠身從是因緣為兩咄  
今現世不安他人亦自身從是因緣咄道人  
知如是毒起可制人在生死為久殃毒起為  
蓋善本

菩薩有五法行一者早起二者待時三者不  
犯人四者常念五者反覆何等為早起謂精  
進念道何等為待時謂須有所與者到若善  
意來便當與之即行何等為不犯人謂一切  
能饒人何等為常念謂欲使人得利有縣官  
欲使解有病者欲使愈貧欲與布施何等為  
反覆從人受一錢物欲償百倍千倍是為反  
覆菩薩與生死會無生死事有生死意阿羅

漢斷世間亦斷意菩薩斷世間不斷意所以  
不斷意當得佛道度世間人故菩薩畏世間  
事論不犯故斷世間事

菩薩斷生死意不斷生死事謂在世間所作  
但不作惡耳

菩薩但斷五情不斷意何以故菩薩意與生  
死合故不斷意欲度十方人故

菩薩所以布施持戒出家智慧精進忍辱至  
誠勇念善顧望持是十事得佛智慧

菩薩生貧家當持戒在富家當布施在豪家  
當忍辱在山中當禪定

菩薩所以四意止七覺意已得四意止便得

七覺意

菩薩出行道見四證一者見老二老二者見病三者見死四者見苦見促急故行道入日趣死何故不畏臨死時何以故畏期到故

菩薩已得佛道便說四諦何以故說四諦有四因緣一者用未曾聞故二者用禪故三者用得眼故四者用得慧故用老病死憂不得出大獄故說四諦

菩薩說經有四因緣一者國王喜二者人所樂三者意受四者時何等爲時謂人喜向時菩薩自校計何因緣得苦思念從生得何緣得生從行得何因緣得行從癡得何因緣得

癡從愛得何因緣得愛從受得不受亦不得  
菩薩視百劫如一宿何以故世間人不能忍  
病一日菩薩耐痛百劫譬如人一日病有時  
行道一日其福百劫未盡故言視百劫如一  
宿有時菩薩轉行說經意不在生死視百劫  
如一宿菩薩未得佛道用三事一者不與善  
人相逢二者欲所作無有因緣亦物三者不  
校計是非坐是事故未得道

菩薩坐三事不得佛道一者在世間久不覺  
故二者不得善知識故三者亂意不滅盡故  
菩薩坐三事不得道一者不聞二者不息意  
生三者無善知識

菩薩亦入罪亦出罪意隨世間爲入罪意在  
世間爲癡出世間爲慧

菩薩有二願一者願令我卧安隱謂不念姪  
嫉二者願令我行安隱謂不念嫉瞋恚愚癡  
是爲二願

菩薩在福憎福在罪守罪俱有罪福要不可  
離但當識菩薩不識宿命不得佛何以故不  
識罪犯惡故

菩薩不作三惡道行俱償三惡道罪畢乃得  
阿惟越致菩薩能計三惡罪道多少滿百劫  
乃得佛

菩薩已受別九十八結悉有但薄耳何以故

悉在菩薩行中四等心憂念十方五道欲令  
解脫投餒餓虎肉與鷹自銜活人當滿功成  
相結未悉除得佛乃斷

菩薩能持妻子斷頭與人乃爲得何等意有  
是二因緣一者自念我不欲令人瞋恚二者  
與之令其人得定意不與者令其人亂意貪  
姪有罪瞋恚罪重恐其人瞋恚故持頭妻子  
與之

菩薩持身飼餓虎斷頭與人有三因緣一者  
計身會當棄捐持用布施爲行福二者譬如  
報怨怨家死歡喜菩薩知一切惡從身生若  
十苦澁皆從身得已計如是便不欲見身如

怨家以是故不愛三者欲精進滿功德疾道  
故菩薩持頭眼妻子與人一者眼不著色爲  
脫眼頭與人者謂惡起便止是爲斷頭妻與  
者爲除貪婬瞋恚愚癡道行有二事一爲校  
二爲計校爲輕重計爲多少

菩薩受荊百劫常一劫作沙門九十九劫作  
白衣菩薩持妻子與人時見捶之但計骨肉  
不計是我故與之

菩薩求佛當如佛法行之當從三十二物得  
所行如法不可敗相不得佛道菩薩有一非  
意勝禪百倍

菩薩在世間有三道分但不墮三道何故人

中天上牽多三道不而得故不復墮三道身  
口意三事盡三道亦盡菩薩離五道常有黠  
福人死時要有五道分菩薩復黠分即知念  
遠近

菩薩知分在須陀洹斯陀含分不在阿那含  
何以故不復還故一佛界有三千大千天地  
人生死遍其天地間無有如髮不在其中無  
所不作獨未作阿惟越致斯陀含耳餘悉更  
無數

佛爲菩薩時有是意生爲何等行因緣現在  
得福極如是更得宿命意爲從是三行布施  
從制從合聚布施有二輩一爲法施二爲物



施守身口識爲御守意爲合聚亦從布施因緣得解斷貪從制爲斷瞋恚亂意從合聚自守爲斷癡從布施亦得正意從制得正語從合聚得意行安隱從布施見布施福從制說念佛從合聚說意福

菩薩所以布施者所在五道常饒樂與凡人  
有異輒得作王智慧常有慈心但畢罪不復  
更作雖在罪無作罪人間亦尔菩薩與妻子  
共居年二十五一日生三十一月年三十日  
百日年五十一歲菩薩但禁惡不禁家名亂  
意者爲罪不安隱遠避去無亂意爲福雖在  
家譬言如在獄中但當覺罪不復便所生在樂

處故為菩薩人求道不忍辱不能耐便得須  
陀洹

佛前世菩薩言佛道難得一語減四十劫以  
身餓餓虎出眾菩薩前九劫為須大擎受剝  
一切精進行道一切得佛

有婦不得佛道菩薩在家時有妻何以故得  
佛用棄妻子六年故乃得佛道

菩薩計妻子是怨家何以故與人苦益人惱  
亂人意增人罪以隨貪愛便不見道以是故  
為怨家見妻子當如見怨家意莫隨貪愛意  
起即覺是為覺意所有財物自身亦令天上  
天下十方一切有火何以故有火已

菩薩娶婦有四因緣一者宿命同福二者畢  
罪三者應當共生男女四者黠人娶婦疾得  
道無是四事亦不娶婦

為菩薩道念欲斷十方天下人三毒是故得  
佛道或有行道但欲自斷三毒故得阿羅漢  
菩薩自壞癡亦復壞十方人癡阿羅漢自壞  
癡不壞餘人癡菩薩多覺多教人令得行道  
是為壞人癡憂念十方天下人是為行菩薩  
道但自憂身不念十方人是為阿羅漢道菩  
薩壞惡阿羅漢不壞惡菩薩教人經戒今隨  
道法是為壞惡羅漢自守故言不壞惡  
菩薩自斷苦亦復斷十方人苦是為得佛道

羅漢自斷苦而不斷人苦故得羅漢

行菩薩道所以轉得羅漢者意念佛道生死不可數所作悉當得之意計是難轉阿羅漢復計阿羅漢不復償罪不復生死直取度世去用是故轉向阿羅漢無是意無死轉不避苦要當得佛道

菩薩阿羅漢皆從三十七品經行所以得佛者特有四意菩薩所常行何等為四一者幸得佛業值佛識我身要當如佛治二者常持悲意向十方從悲意盡力未曾離當脫十方人非人三者本上頭願佛意不轉四者願在世間求道護戒教人增慧待期有是四意故

得佛無是四意故得阿羅漢佛等意故無有  
兩道隨意行得耳隨愛便為在五道不得脫  
便有老病死憂為苦共合意不隨貪愛為持  
水滅火已隨貪愛為持薪增火當諦計隨諦  
得道

菩薩娶婦有四因緣一者恐人言不能得婦  
故學道二者恐人言孤獨無妻子故學道三  
者宿命本根未盡四者惡知識勸令娶婦故  
菩薩亦斷五陰亦不斷何等為斷謂斷五盛陰  
十二因緣不斷者菩薩在經行因緣隨道是  
為不斷菩薩異罪畢得道  
菩薩有四無所畏一者不取人錢二者不犯

他人婦女三者不兩舌四者不嫉妬

菩薩斷三惡道尚在但不隨中耳菩薩未起  
三毒佛時無有三毒得因緣乃有三毒

菩薩坐禪六年臨當得道三毒俱起姪怒癡  
使意念調達得我婦耶爲勝我耶當復得我  
財產意適生即時息念我從無數劫已來斷  
是三惡何以故復念使滅即得道

菩薩坐禪六年日食一米一麻有四因緣一  
者斷貪二者畢罪三者見不餓四者止飢意  
了不食謂人餓得道恐人自餓死

菩薩坐行道六年日食一米一麻入水浴躡  
地而不起天因按樹枝令低即牽之始起

菩薩坐樹下六年虫蠶蚊蚋不燒者有四因緣一者本從無數世不殺生二者行等心三者諸天鬼神護四者道力強亦為處淨

菩薩有四不戢一者布施不戢二者聞經不戢三者清淨不戢四者作功德不戢

菩薩始出家行學道諸大人謂菩薩今太子居家何故去太子報言我用三苦故去耳何等為三苦謂老病死大人復言老病死事常耳何為去太子言得一病常不喜當那何常

菩薩生墮地行七步止住舉右手言我為天

上天下師止不復行

菩薩為太子時行學書到師舍師問言欲學

何等太子言我欲學六十種書師問言六十種書皆何等太子便為師次身說師言我但知一種書不能悉知餘書太子言如師所知教我已受師教便言是少兩字師更從受兩字師言太子所知乃今何為從我學太子言雖爾當有師法菩薩始出家行百里解身上衣被珍寶付車匿持歸白馬捷陟淚出舐足車匿言莫使有如是人願者太子報言天下癡無有如汝輩者何以故世間但有老病死憂苦當願何等如囚在獄中誰有樂者當尚未離是而復更願當何時脫譬如獵客網中兔得脫寧復念



還入網中不念得脫如兔脫網終不還歸我  
在家時念是日久亦從無數劫以來有是意  
非獨今日所致也

菩薩生已七日其母終者有四因緣一者用  
憶菩薩故天來占視與飲食二者如生死法  
當禮母以菩薩尊故母七日終三者其母宿  
命自應今四者譬如人有功當封使上天生  
菩薩未得佛道時有五夢一者以須彌山作  
枕二者以地為牀三者以手蓋海水四者天  
下皆有屎行其上不污足五者心前生一樹  
上至二十七天夢枕須彌者天上天下皆無  
過佛者以地為牀者佛身長能上至二十八天

以手蓋海水者諸欲說經道無有勝佛者行  
屎上不污足者天下愛欲無能污佛心者心  
前生樹者佛語上聞第二十七天上

菩薩隨女人有四因緣一者勸女人精進二  
者亦欲使女人隨行三者從過去無數世餘  
罪相逢故四者宿命願欲教女人

諸天試菩薩有三因緣一者當得佛不得有  
所貪惜二者設菩薩起意便謂言卿當得佛  
道何故反尔菩薩從是增精進三者得佛當  
相度故往試之

菩薩行六波羅蜜阿羅漢亦行是六事所以  
相不成者阿羅漢但有檀無有波羅蜜檀者

謂與布施波羅為度生死蜜為無有極阿羅漢但一切布施不願度十方故但有檀菩薩欲度十方人非人故為有波羅蜜六事皆介佛為菩薩時願欲飯佛以小豆五枚著佛應器中其一枚墮地後得作金輪王八十世所主四天下地者得四豆福故其豆不入器中復得上天生八月以是故有檀波羅蜜

菩薩布施法物與人佛意隨物行念令受者安隱若意生念欲得福便念飢寒貧窮者當用與皆令安隱是為道法布施與一錢物勝十千萬復不施與少勝多者用有道意令安隱故若人命欲絕時意在非常苦空非身便得阿

惟越致為受荊若本求阿羅漢便得阿那含  
四非常意難致所以得者有本世精進行故  
菩薩在樹下坐禪有一鳥一鴿一虺自相問  
何等為苦鳥言飢最為苦何以知為苦飢不  
能行亦不能有所作人坐飢餓死以是知飢  
為苦鴿言觸色為苦何以故知色為苦人意

念色無有終極人皆坐色死以是知色為苦  
虺言獨瞋恚為苦何以故知瞋恚為苦人瞋  
恚無所避欲自殺亦欲殺人故知瞋恚為苦  
菩薩言我曹各說一事當復為汝說一事因  
言獨不生無有苦耳有身無有不苦行者是  
譬言在菩薩百八愛行中

菩薩未得佛道時有五師一爲尼健二爲莫  
軋三爲阿夷四爲羅軋五爲羅和軋

說經法不得受禮菩薩買一偈五百万者買  
有三輩一爲第買二爲反復買三爲償賜買  
菩薩念恩故償賜受者亦無罪

菩薩所行法當呪願十方人民復言當定意  
一心者自意不定亦不而呪願何以故用意  
在生死故自意不定亦不能意定人意

曇摩爲法阿昌爲當來薩爲常波輪爲淚出  
阿蕪陀爲命不可數

薩波輪菩薩常悲淚出有四因緣一者不能  
解經意二者從因緣得道人亦不知三者念

十方人四者自念欲過度十方當何時得佛  
菩薩語言當持點慧持意知起滅

道行無爲但當守意行三十七品經所以復  
布施持戒者菩薩哀人故疾斷生死亦福未  
滿所以布施後世不欲墮貧家墮貧家無所  
有便墮惡因緣墮富家者意安隱不隨新惡  
以是故布施所以持戒者長壽乃得行道不  
長不得行道何以故或壽十歲未有所知便  
壽盡以是故持戒不殺便得長壽所以不盜  
者時念其主覺知當搥打有是惡意當復得  
其殃以是故不盜所以不兩舌者何佛道至  
誠兩舌爲不隨道後爲衆人所不信於今可

見是爲惡以是故不兩舌所以不姪者何譬  
如東向視不見西意在媻不隨道以是故不  
媻所以不飲酒者何醉便惡口兩舌妄作非  
法設人善能尚自亂意以是故不飲酒

菩薩辭親行作沙門父母言汝所爲顛倒菩  
薩道當爲十方人求願令解脫今反近令父

十五

母得憂是爲何等菩薩報言我有憂故父母  
有憂我得道便無憂父母亦無憂譬如親屬  
有憂身亦憂之復譬如兩人俱行一人有憂  
身亦復憂子憂不解故令父母憂子以得道  
父母便脫於憂

使維摩羅達達女子告文殊尸利菩薩若文

殊尸利第一深隨行爲菩薩已斯是爲從因  
緣深絕無有人隨因緣行如是因緣亦不來  
亦不去亦不眼中可觀亦不可意觀亦不可  
識亦不可行因緣若深深絕當爲無所有無  
所屬文殊尸利菩薩便報本要爲深是爲深  
維摩羅達達復報言以無有本爲無有要如  
是爲文殊師利爲黠不黠文殊師利復報言  
是事云那當說何等維摩羅達達復報言有  
說已過去文殊師利復報言如未覺行不可  
生死見文殊師利便止不復語

汝菩薩維摩羅達達一名爲出垢問舍利曰爲  
悲哀我故舍利曰黠第一黠卿所黠爲有若



有者當爲空爲妄爲妄言若無有已無有不  
生已不生爲不共會若有是舍利曰無有黠  
有菩薩字愁須蜜難一阿羅漢經阿羅漢不  
爲解便一心生意上問弥勒已問便報愁須  
蜜言卿所問事次第爲解之愁須蜜覺知便  
詰阿羅漢卿適一心上問弥勒耶阿羅漢實  
然一心上問有三因緣一者意意相知二者  
化身問三者先世所行聞即便解

愁須蜜菩薩事師三諷經四阿含當持花散  
師上語師言我已諷四阿含經師忘不能復  
識愁須蜜復自思惟我欲合會是四阿含中  
要語作一卷經可於四輩弟子說之諸道人

聞經皆歡喜大來聽問不而得坐禪諸道人  
言我所聽經者但用坐行故令我悉以行道  
不應復問經但當捨去愁須蜜知其心所念  
因以手著火中不燒言是不精進耶便於大  
石上坐有行道當於軟坐愁須蜜言我取石  
跳一石末墮地便得阿羅漢已跳石便不肯  
起天因於上牽其石不得令墮言卿求菩薩  
道我曹悉當從卿得脫却後二十劫卿當得  
佛道莫壞善意中有未得道沙門言是惡人  
不當今在國中轉書相告愁須蜜遣人求書  
書反言此好人而教化開人意不欲自貢高  
但畏惡人墮罪後欲過度十方人

道意如恒邊沙譬喻佛國如來無有著正覺  
我所說當爲一切十方菩薩亦不中意爲妄  
到得無有過諦佛得亦所菩薩行四種從得  
淨當爲疾得何等爲四種第一爲人淨第二  
爲法淨第三爲可淨第四爲意淨在佛國故  
淨如是爲四淨爲疾淨得亦所菩薩四多可  
法當爲疾得何等爲四愛身愛口愛意愛止  
是爲四多愛法爲疾得亦爲四持向人爲疾  
得深忍辱持向人爲疾得所人知善相持向  
人行福知持向爲人疾得是爲四持向人疾  
得使善弟子舍利曰如佛意中念爲問所欲  
所念爲菩薩淨行無有異慧

南方有諸菩薩城周匝萬六千里中有最尊  
菩薩字文殊師利教授諸已得佛不可勝數  
其德十倍曇摩阿偈菩薩城皆七寶

曇摩阿偈菩薩所居城周匝萬六千里地皆  
七寶在北方諸菩薩中有一菩薩字薩怛樓  
其德次曇摩阿偈菩薩

佛有十八不共者從初得無上等覺至得度  
世無有餘泥洹聞至竟

第一如來行無有失

第二如來行無有漏

第三如來行意不忘意

第四如來行不離定意

第五如來行不轉

第六如來行無盡礙觀

第七如來行欲意悉成

第八如來行精進無有減

第九如來行念不中止

第十如來行定無有捐

第十一如來行慧無有等

第十二如來行度世解脫觀無有餘

第十三如來行知過去法無有量

第十四如來行知當來無有極

第十五如來行知現在無有過

第十六如來行有遍慧身所轉悉知

第十七如來行有利慧所說不離識  
 第十八如來行有散慧竟離覺  
 是為十八不共法

惟日雜難經

受薊 下井 反饑 反紆 瑞 出 反丁 骨 櫟 直 庚 耐 音 棄 捐 飛

上音 下音 綠字

捶之

反上 打也

大拏

反下 加

反凡 躡

地益

反上 毗 玉

蚕

字下 螺

戢

反阻 立

車

反下 几

捷

反上 和

陟

反下 知

五

反 枚

反下 音

跳

反徒

音

梅

反 虺

反許 鬼

搯

反上 瓜

打

反上 竹

慙

反上 須

和

反起 一

詁

反 跳

反徒

音

音

反

佛醫經

粃米

作上 類音

同庚

無貸

反下 他

姪

反下 更

噫

反上 吐

反上 於

反上 於

反上 於

反上 於

反上 於

反上 於

一下他音醫古反  
 狡狗反上古巧  
 字奔點人八反  
 培榜上蒲講反  
 虬蚘下步唐反  
 一上愚官反  
 字之若反  
 魁  
 坑穽下音  
 穽  
 二兩字音



